

Despedida di un Arubiano unico: Bobby Farrell

DIASABRA ultimo, e comunidad Arubano tabata bon representa, cu como 400 persona n'e ceremonia di despedida di Bobby Farrel, kende a fayece dia 30 di december ultimo, na St. Petersburg, Russia.

Hopi di esnan cu tabata presente, ta famia, amigo y fannan di e artista Arubiano aki, kende a bira famoso como Boney M. Su caha tabata cubri cu bandera di Aruba, su isla natal cu el a stima asina tanto.

Durante e ceremonia aki, tabatin diferente discurso, den diferente idioma, bao di cual tambe Papiamentu. Riba petition special di famianan di Boney M. nan a pidi Minister Plenipotenciario, Edwin Abath tambe pa hiba palabra, kende a repasa bida di Bobby Farrell, kende manera ta conoci a nace na Aruba, pero kende na edad hopi hoben a bay Hulanda.



Roberto Alfonso Farrell a nace dia 6 di october 1949 na San Nicolas cu 15 aña el a bay Hulanda, pero kende nunca a lubida su pais.

Di acuerdo cu Edwin Abath, Bobby Farrell, mester ser mira como un fuente di inspiracion di tur Arubiano, cu kier logra den bida. Minister Plenipotenciario Abath a confirma tambe cu tin plannan pa bin cu un exposicion permanente na San Nicolas, dedica totalmente n'e gran artista Arubiano aki. Edwin Abath a finalisa su discurso cu el a cuminsa na Papiamentu cu Ingles, bisando: 'Thank you Bobby! Masha masha danki Roberto!!', pa cual el a haya aplauso grandi.

E Arubianonan presente a percura pa diferente discurso emotivo y tabatin actuacion di diferente artista. Su yiu muher, Zanillya Farrell a laga sa cu su tata sigur no kier pa ningun hende yor'e. E no kier ningun lagrima na su graf, pero pa celebra su bida.



Programa Special dedica na Bobby Farrell



TABATA dia 30 di december 2010 den oranan di mainta cu e noticia a yega cu e conocido cantante famoso di mundo y frontman di e grupo Boney M Bobby Farrell a fayece na un hotel na St. Petersburg na Rusia despues cu Dia 29 di Januari 2010 Bobby Farrell hunto cu e grupo Boney M a haci un concierto masha exitoso na Rusia y pa su siguiente dia ta fayece na hotel pa motibo di problema cu curason.

Ta asina cu e mainta ey e conocido artista Bobby Farrell no a contesta e wake-up call di frontdesk di e hotel y na unda esnan di frontdesk mesora a bati alarma y a habri e porta di su camber pero e no tabata duna señal di bida mas, tanto dokter y autoridadnan wordo poni na haltura y despues cu dokter a constata morto natural y un investigacion profundo wordo haci pa autoridadnan cu a bin constata cu Bobby a fayece un morto natural. E gran cantante aki cu fama mundial ariba nivel di artistanan grandi manera James Brown, ABBA, The Bee Gees, Michael Jackson y hopi otro mas. Bobby ta naci na Aruba Dia 6 di



October 1949 y ta di San Nicolas. E ta e gran cantante, bailarin y show man di fama mundial y e artista Arubiano cu a yega mas leu den historia di Aruba.

Su nomber mes ta Roberto Bobby Alfonso Farrell miho conoci na mundo como Boney M of e me- neer di Boney M aunke e grupo su nomber mes ta Boney M forma pa tres dama y un hende homber cu ta Bobby Farrell. For di su 15 Aña di edad Bobby Farrell a laga Aruba y a bay nabega ariba barco. Bobby tabata biba prome na Noruega y Hulanda y despues a bay pa Alemania na unda Bobby a bira un Dj masha conoci mes for di unda e productor Frank Farian di e grupo Boney M a conoce y na Aña 1976 Bobby Farrell a bay forma parti di e grupo Boney M. Mester menciona cu e grupo tabata tin su temponan bon y temponan malo cune.

Diasabra Dia 8 di Januari 2011 cu Bobby Farrel a ricibi un entierro masha special na Hulanda cu tabata masha emocionante ora

cu e bandera di Aruba a tapa e caha di Bobby Farrel. Tanto na Hulanda y rond di mundo como tambe aki na Aruba por a mira con e cantante y bailarin di fama mundial tabata recore e cayanan di Amsterdam den e auto di morto rol roys y cu su caha cubri cu e bandera di nos dushi isla Aruba cu e la stima asina tanto y na tur caminda cu e la biaha semper e la papia di su isla stima Aruba.

Durante e ceremonia di entierro varios artistanan a duna nan atributo na Bobby Farrell entrenan e tres integrantenan di Boney M y tambe tabata di aprecia con Minister Plenipotenciario Sr. Edwin Abath a hiba palabra. Nos gran amigo Robby Schouten tambe a hiba palabra y a pidi standing ovation pa Bobby Farrell y alabes a cubri e entierro di Bobby Farrell pa television y pa cual nos ta aprecia masha hopi mes.

Na Aruba e programa Hit Express den su prome edicion pa Aña 2011 esta Diamars Dia 4 di Januari 2011 a habri e programa

cu un atributo chikito dedica na Bobby Farrell cu a cuminsa for di 8'or di anochi te cu 9:30 di anochi pa cual programa a ricibi masha hopi reaccion y tambe un gradimento special di parti e yiu muhe di Bobby Farrell esta Zanillya den nomber di famia Farrell.

Despues di a ricibi masha hopi yamada y reaccion ariba facebook relaciona cu e programa cu nos a presenta anteriormente nos a dicidi cu Diamars awor Dia 11 di Januari 2011 e programa Hit Express ta presenta un homenage special na Sr. Bobby Farrel di un duracion di dos ora na GFM 99.9 Galactica ariba FM, ariba internet pa henter Aruba y rond di mundo via e website oficial di GFM 99.9 Aruba na <http://www.gfmaruba.tk> of via e internet y web radio di San Nicolas pa henter Aruba y rond mundo esta Radio Tropical Aruba di Sr. Marcos Bislip Jr. y tambe via e sistema cu ta full rond di mundo via internet via computer y via mobil na Stickam na <http://www.stickam.com/hitexpress>

Hopi ta esnan cu na Aruba no conoce Bobby Farrell cu e tabata nos maximo representante y artista di fama mundial pesey nos a bin cu e website pa asina tur hende por conoce y sa con grandi Bobby Farrell tabata pa e mundo musical y di farandula mundial. Bobby Farrell a ricibi amplio publicidad y reconocimiento di parti di Billboard Magazine, BBC Entertainment, CNN World & Entertainment, TNT Noticias y hopi otro mas, e corantnan y revistanan mas famoso di mundo a duna publicacion di Bobby Farrell y na unda masha hopi artistanan di fama mundial na mundo a expresa e perdida di Bobby Farrell. Bobby tabata baila mescos cu James Brown y Michael Jackson. Cancionnan grandi di Boney M y Bobby Farrell tabata Daddy Cool, By the Rivers of Babylon, We Kill the World den e decada di 80, Bahama mama, Sunny, Josephine

Baker, Rasputin, Mr Baker y hopi otro exito mas. Kalimba de Luna 1984ta un cancion cu e la dedica na Aruba mencionando the land of sunshine with pretty ladies it's grooving in the white sand in the land of sunshine, eagle trip promocionando su dushi isla Aruba hopi no sa con grandi Bobby Farrell ta mundialmente y con orguyoso nos mester ta di e Arubiano cu a yega mas leu te cu awor den exterior na nivel di Michael Jackson y hunto cu su grupo a competi cu gruponan grandi manera ABBA y otronan. Tristo ta cu nos mester laga un artista asina grandi fayece sin dune su reconocimiento ora cu e tabata na bida y te hasta nos futuro generacionnan di awor por a conoce di cerca y cu e pueblo di Aruba por a dune e reconocimiento cu e merece.

Bobby a marca historia pa Aruba, awor despues di su morto Aruba su nomber wordo publica den tur skina na mundo, Merca y mundo henter tin su Michael Jackson y Aruba y Europa y mundo henter tin su BOBBY FARREL cu mester wordo skirbi cu oro. Dios laga cu un dia e estatua di Bobby Farrell y su museo por bira un realidad na Aruba, pa asina turistanan y artistanan cu fama mundial cu conoce Bobby por bishita Aruba y mira Bobby su estatua y su museo na su isla natal.

Tambe un website special wordo traha pa tur e fansnan di Bobby Farrell na <http://www.bobby-fanclub.tk> pa Aruba y pa den exterior y ta na papiamento y ta conecta cu esun oficial den exterior di Bobby Farrell danki na e cooperacion di e yiu muhe Zanillya.

Pa mas informacion por tuma contacto cu Marcos Bislip di Bislip Radio Produccion na telefon 5657884 of por manda e-mail na bobbyfanclubaua@gmail.com cual mensahenan ta wordo retransmiti tambe na e headoffice na Hulanda pa Zanillya.